



Adresa: **Ul. H. Čemerlića 39A**
71000 Sarajevo
<http://www.voda.ba>

tel. +387 33 726 412
fax. +387 33 726 423
e-mail: info@voda.ba

Broj: **UP-1/21-3-40-537-16/22**
Datum: **28.12.2023. godine**

«Agencija za vodno područje rijeke Save» Sarajevo rješavajući po zahtjevu pravnog lica JP «Elektroprivreda BiH» d.d. - Sarajevo za izmjenu rješenja broj: UP-1/21-3-40-537-7/22 od 03.03.2023. godine u smislu promjene propisanih rokova realizacije uslova i obaveza navedenih u dispozitivu osnovnog Rješenja, na osnovu člana 262. Zakona o upravnom postupku («Službene novine Federacije BiH», broj 2/98 i 48/99), **donosi**

R J E Š E N J E o izmjeni rješenja o vodnoj dozvoli

1. Mijenja se osnovno rješenje izdato od strane ove Agencije broj: UP-1/21-3-40-537-7/22 od 03.03.2023. godine u smislu promjene rokova u tačkama 2.2. i 2.3. vodne dozvole te iste glase:
 - „2.2. Da se u vremenu trajanja ove dozvole, putem automatske vodomjerne stanice, obezbijedi kontinuirano mjerenje proticaja na mjernom profilu, koji se nalazi neposredno uzvodno od vodozahvata te omogućiti uvid u podatke o zabilježenim proticajima i uvid u trenutno stanje proticaja sa prezentacijom na odgovarajućem displeju, a sve u cilju osiguranja ekološki prihvatljivog protoka koji će biti utvrđen pozitivno evaluiranim Elabortom navedenim u tački 2.3. ovog rješenja. Mjerni profil mora biti formirani na način da se stabilizira korito, utvrdi Q-H linija proticaja i instalira mjerna oprema kako bi si stvorile mogućnosti očitavanja proticaja u realnom vremenu. **U toku prva 33 (trideset tri) mjeseca** važenja ove dozvole podnosilac zahtjeva je dužan izvršiti uvezivanje vodomjerne stanice u informacijski sistem voda Agencije za vodno područje rijeke Save, u saradnji sa predstavnikom Agencije.“
 - „2.3. U toku prva **33 (trideset tri) mjeseca** važenja ove dozvole podnosilac zahtjeva je obavezan izraditi Elabort o određivanju ekološki prihvatljivog protoka u skladu sa Pravilnikom o načinu utvrđivanja ekološki prihvatljivog protoka („Službene novine Federacije BiH“, broj 4/13, 56/19, 62/19 i 63/22). Usklađeni Elabort je potrebno dostaviti ovoj Agenciji na evaluaciju.“
2. Ostale odredbe Rješenja broj: UP-1/21-3-40-537-7/22 od 03.03.2023. godine ostaju nepromijenjene.

O b r a z l o ž e n j e

Pravno lice JP «Elektroprivreda BiH» d.d. - Sarajevo, se dopisom broj: 02-11596-1/23 od 30.03.2023. godine zaprimljenim dana 03.04.2023. godine, obratilo ovoj Agenciji, u kojem je traženo preispitivanje rješenja o vodnoj dozvoli tj. obaveza propisanih tačkom 2.2. i 2.3. Rješenja o vodnoj dozvoli broj: UP-1/21-3-40-537-7/22 od 03.03.2023. godine koja je izdata od strane ove Agencije. Dopisom broj: UP-1/21-3-40-537-9/22 od 07.04.2023. godine, u postupku preispitivanja važećeg rješenja, dat je prijedlog izmjene tačke 2.2. i zatraženo izjašnjenje o predloženoj izmjeni u roku do 20.04.2023. godine. Obzirom da nije dostavljeno traženo očitovanje u propisanom roku, dopisom broj: UP-1/21-3-40-537-10/22 od 09.06.2023. godine upućena je urgencija za dostavu očitovanja u roku od 10 dana od dana prijema zahtjeva. Predstavnici podnosioca zahtjeva su telefonskim putem zahtijevali da se održi sastanak vezano za navedenu problematiku te je isti održan 04.07.2023. godine i o istom sačinjen zapisnik broj: UP-1/21-3-40-537-11/22. Obzirom da, i nakon usmenog dogovora na održanom sastanku, nije dostavljeno očitovanje na dopis UP-1/21-3-40-537-9/22 od 07.04.2023. godine, dana 18.08.2023. godine ponovo je upućena urgencija za dostavljanje istog. Dana 29.08.2023. godine dostavljeno je očitovanje po zahtjevu broj: UP-1/21-3-40-537-12/22 od 18.08.2023. godine.

Dana 18.10.2023. godine, podnosioc zahtjeva je dopisom broj: 02-35230-1/23 od 16.10.2023. godine zatražio je održavanje novog sastanka vezano za rokove realizacije tačaka 2.2. i 2.3. iz Rješenja o vodnoj dozvoli. Na sastanku održanom u prostorijama Agencije 01.12.2023. godine, predstavnici JP «Elektroprivreda BiH» d.d. – Sarajevo su informisali Agenciju o nastalim problemima u realizaciji obaveza iz vodne dozvole (tačka 2.2. i 2.3.) i prijedlogom prevazilaženja istih te je usaglašeno da će JP «Elektroprivreda BiH» d.d. – Sarajevo dostaviti molbu za korekciju rokova iz vodne dozvole.

Na sastanku je konstatovano da bi se Elaborat o određivanju ekološki prihvatljivog protoka mogao kompletirati i dostaviti na evaluaciju početkom 2025. godine, te da bi isti trebao biti usvojen do polovine 2025. godine a najkasnije do kraja 2025. godine.

Dana 11.12.2023. godine zaprimljen je zahtjev za produženje rokova iz vodne dozvole, dopis broj: 02-44259-1/23 od 07.12.2023. godine, sa molbom da se preispitaju ranije definisani rokovi vezani za tačke 2.2. i 2.3. rješenja o vodnoj dozvoli i sagleda mogućnost da se isti produže do kraja 2025. godine.

Imajući u vidu navedeno i uvidom u dostavljeni zahtjev i priloženu dokumentaciju, ovaj organ našao je da je zahtjev podnosioca osnovan.

Uvažavajući obrazloženje podnosioca zahtjeva uz dostavljenu dokumentaciju i uvida u činjenično stanje koje neće dovesti do bilo kakvih promjena na terenu, zahtjevu za traženu izmjenu se može udovoljiti, te je ova Agencija odlučila kao u dispozitivu ovog Rješenja.

U skladu s odredbama člana 262. stav 3. Zakona o upravnom postupku, ovo rješenje djeluje samo za ubuduće.

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15.00 KM administrativne takse, prema tarifnom broju 3. Tarife federalnih administrativnih taksi.

Obrađivač akta: Nihad Pezo, dipl.inž.grad.

Po ovlaštenju
Rukovodilac sektora za izdavanje
vodnih akata

Haris Ališehović, dipl.inž.grad.

Dostaviti:

- JP «Elektroprivreda BiH» d.d. - Sarajevo, Vilsonovo šetalište 15, 71000 Sarajevo
- ⊖ AVP, ISV – Vodna knjiga
- Sektor 40, arhiva
- oglasna ploča – AVP Sava